

I. N. 7.
 DISSERTATIO GRADUALIS
 DE
 GEMINA
 VERSIONE ARABICA
 EXCLAMATIONIS
A D A M I,
 GEN. II: xxiii.

QUAM

Conf. Ampl. Facult. Philos. in Reg: Acad. Aboënsi,

PRÆSIDE

L A U R E N T I O .
L E F R E N ,

L. L. O. O. & Græc. Profess. Reg. & Ord.

Publicæ Bonorum censuræ modeſte ſubjicit

I S A A C U S A R E N A N D E R ,

V. D. M.

Tavastensis,

In AUDITORIO MAJORI, Die VIII Junii

An. MDCCCLXXIV.

Horis. P. M. Confvetis.

A B O Æ ,

Typis JOHANNIS CHRISTOPHORI FRENCKELL.

Obijt 1748



PRÆFATIO.

Quamvis Sacrum Codicem Hebreum in aliā quādām līnguām tam exāfē transferre non līceat, ut nībil prōrūs nec veritatis ac fragrantiae, nec venuſtatis ac ſignificantiae, quod Textus habet, in versione dēſideretur, exinde tamen non ſequitur, omnes versiones eodem plane loco habendas eſſe. Harum enim alias aliis con‐tinuo adcuratiōres eſſe, res eſt notissima omnibus, qui collationem iſtituerunt. Quod quamvis ita ſit, male tamen exinde colligereſ, meliorum interpretam ubique locorum meli‐ores, deteriorum vero deteriores eſſe versiones. Longe aliud credere jubet experientia, quippe quae teſtatur, ſubiude uſe venire, ut optimi pefſime & pefſimū optime traſferant. Quam vero vel felix, vel infelix eujusvis loci traſlatione baberi debeat, id non ex numero teſtium, ſed ex indele ver‐ſionum dijudicandum eſt. Sæpe enim fieri potest, ut unus interpretum veram & bonam exhibeat traſlationem, ubi ceteri omnes falſam & malam ſequuntur. Nuspiam vero facilius committitur lapsus, quam ubi voceſ occurruunt, qua‐rum due notio‐nes contextui ex aequo conve‐nient, in primis vero ſt una harum frequentiſſimi, altera rariſſimi ſit uſus. Hujus rei exemplum exhibere videtur vox **DOMINUS** Gen. II: 23, quam omnes fere interpretes **HABC VICE** vel **HOC TEM**

TEMPORE reddiderunt, præter duos Arabes, qui huic voci notionem MULIERIS vel VIRGINIS subje-
cerunt. Horum igitur interpretum hypothesin cum bac
qualicunque dissertatione examinare decreverimus, Te, beni-
vole Lector, quo decet studio & officio rogamus, ut cona-
tum nostrum in meliorem interpreteris partem.

§. I.

Occasionem dubitandi de bonitate communis inter-
pretationis brevissime adserit.

Vix primis, quod ajunt, labris delicias gustavera-
mus Hebraicas, cum ad vocem מִלְחָמָה Gen. II : 23.
delati tanquam ad Saxum adhæresceremus, quid de notio-
ne statueremus, nescientes. Cum frustra evolviſſimus Lexi-
ca, quæ invenire poteramus, omnia, nec quidquam ex
iis profecissemus, interpretem post interpretem & com-
mentatorem post commentatorem consulebamus, ut ali-
quid inveniremus certi de notione vocis, quæ nobis
tam dubia videri coepérat. Quidquid vero ageremus,
nihil reperire licebat, quod ad evelendum scrupulum,
qui animo nostro semel infixus fuerat, evaleret. Aliud
aliquid hac voce significari, quam quod communes
svaderent versiones, pñne certa erat. Quidnam ve-
ro id præcile esset, non constabat. Quamvis enim notio-
nem *vicus* & *temporis*, quam ubique inveniebamus,
non incommodiorem sentiremus, quam ut, idonea ex-
plicatione adjecta, oppido bonum & aptum funderet
sensum, illa tamen ipsa interpretatio coactior esse vide-
batur, quam ut tuti in ea adquiescere possemus. Ex
notione *ictus* vel *pulsus*, quam Lexica habent, suspica-
bamur quidem, hac voce designari expressam viri ima-
ginem, sed mera hæc suspicio erat, quæ animo veritatis

cupido adhuc satisfacere non poterat. Interea eam insinuauerat augebat infestio versionum Arabicarum, quas deinceps adducemus, & ulterior consideratio circumstantiarum, quas itidem suo loco distinctius proponemus.

§. II.

Textum Hebreum & celebriores versiones adducit.

Prius vero quam ad hoc institutum proprius nos accingamus, Textum Hebreum vidisse & celebriores interpretes consuluisse juvabit. Textus vero sic habet:
וַיֹּאמֶר אֱלֹהִים נָאֵת הַפְּנִים עַצְמָתִיךְ וְכַשְּׁר טַב שְׁרוֹגָה
 hæc verba totidem litteris & syllabis suo tantum charactere descripta exhibet SAMARITANUS. CHALDAEUS
 contra PARAPHRASTES hoc modo transfert: **וְאַמְرֵ אֱלֹהִים הָרָה זְנָה גְּנוּמָה מִזְרָטִי וּבְסָרָה מִבְסָרוֹן**
Et dixit Adamus: hoc tempore (vel hac vice) os ex ossibus meis & caro ex carne mea. SYRUS INTERPRES prorsus eodem modo:
וְאַמְרֵ אֱלֹהִים חַנְחָה זְבָנָה גְּנוּמָה טָן אֲגַרְטִיו וּבְשָׂרָה מִן בָּשָׂרָה
Dixitque Adamus: hic vice os ex ossibus meis & caro ex carne mea. GRÆCI INTERPRETES, qui vulgo LXX.
 audiunt, sic reddiderunt: **καὶ εἶπεν Ἀδάμ τὸν νῦν ὄστη τὸν ὄστων μέρος, καὶ στρέψει τὴν οὐρανόν με.** Hoc verbo de
 verbo interpretatus est LATINUS VULGATUS: *Dixitque Adamus: hoc nunc os ex ossibus meis & caro ex carne mea.* Latinum pari modo secutus est FENNICUS:
Nijn fanoi Adam: Tämä on nyt luu minun luustani, ja liba minua libastani. Nec aliter DANICUS vetus: Da sagz
 de meinischen, det er nu been af mine been, og kold af mit kold. Paulo aliter LUTHERUS & SVECANUS,
 quorum ille: *Das ist doch Bein von meinen Beinen, und Fleisch von meinem Fleisch, hic vero: Thetta är dock
 ben af minom benom, och kött af mino kött.* Hi enim
 eum

cum versionem veriorem excudere non possent, orationem certe amniorem efficere studuerunt; manifesto argumen-
to, eos in Græco & Latino, quos sequebantur, inter-
pretibus aliquid tam coacti & intorti sensisse, ut illud
hoc modo juvandum putarent. Hinc DANUS RECEN-
TIOR veterem versionem hoc modo emendandam cen-
suit: Da sagde Adam: denne gaang er det been af mine
been og kôd af mit kôd. Quemadmodum etiam Ill. J. D.
MICHAELIS antiquam Germanicam eodem plane pa-
sto mutavit, sic reddens: Da sprach Adam: Dismal sind
es Knochen von meinen Knochen, und Fleisch von meinem
Fleisch.

§. III.

*Quid in his interpretationibus desiderari videatur,
quominus aliqua earum pro vera adgnosci queat,
paucis indicat.*

Si in quæstionibus Philologicis tutum esset ex nu-
mero suffragiorum ferre sententiam, propemodum ne-
cessarium foret in una harum adqviescere, ulteriori ex-
aminandi studio penitus neglecto; Cum vero hoc non
liceat, non forte peccaverimus, si adhuc veriorem quæ-
rere perrexerimus. Sed neqve tam multæ sunt, quam
videntur. Pleraque enim ita comparatae sunt, ut alias
ex alia continuo descriptam vel efformatam esse, merito
contendamus, adeo ut in unam tandem resolvantur tan-
tum non omnes. Et si quæ vera esset, non ea esset,
quæ pluribus, sed quæ paucioribus munita reperiretur
suffragiis, recentior nimirum Danica, quam loltis Ill.
MICHAELIS sua auctoritate confirmavit. Hanc inter-
pretationem fatus & aptum & bonum fundere sensum,
fateor, sed tum demum, cum in hunc fere modum
illustratur: qui tot vicibus antea adjutricem mei similem

in multis & variis animalium gregibus frustra quæsivi;
 NUNC demum, vel HAC demum VICE voti me dominum
 sentio, socia iuventa, qvæ mea ossamenta & meos
 musculos tam exacte exprimit, ut ex mea ipsis substantia
 videatur exsculpta. Interea facile qvisque videt, plura
 in hac circumlocutione occurtere, qvam qvæ ex ver-
 bis sponte fluant. Tota enim protasis, si minus ficta
 aut falsa sit, tanta tamen arte ex antecedentibus excisa
 videtur, ut vel hoc indicio adpareat, desiderari simpli-
 citatem & facilitatem, qvæ veritatis naturalem charac-
 tem constituere solent. Quidquid sit, tota hæc interpre-
 tatio superstructa est hac hypothesis, non haberi vocis בְּ
 huic loco aptiorem notionem, qvam qvæ in potestate
 viciis vel temporis frequentatur. Qvam vero incerta &
 lubrica hæc sit hypothesis, ex seqventibus forte consta-
 bit. Nunc nihil addimus præter hoc unum, sæpe qvæ-
 ri debere notiones vocum commodiores, qvamvis qvæ
 prostant nihil absurditatis involvant. Sufficit, si in ve-
 nire liceat meliores, quo nomine, qvæ venire debeant,
 hic distinctius exponere prohibet festinatio.

§. IV.

Geminam versionem ARABICAM adducit & alte-
 riū vitiosum interpretamentum Latinum, quod in
 Bibliis Anglicanis occurrit, emendat.

Nunc igitur ad versiones pergitimur Arabicas, ut quid
 lucis ex illis elici possit, videamus. Altera harum, qvæ
 in POLYGLOTTIS ANGLICANIS occurrit, sic habet:
 רַקְאֵל אֶרְם הָרָה אַלְמָרָה שָׁהָה מִן עַתָּנִי
 Hæc verba in Bibliis Waltoni sic
 translata sunt: Hæc MULIER vidit os ex ossibus meis &
 carnem de carne mea, nostro vero judicio hoc modo re-
 ctius

Etius transferri debent: *Hæc VIRISSA exhibet os ex offibus meis & carnem de carne mea.* Duo heic mutavimus, nomen *mulier* in *virissam* & verbum *vidit* in *exhibit*. Utriusque mutationis ratio reddenda est. Non equidem diffiteor, nomen טָהָרָה vere & bene reddi posse *mulier*, quum vero foeminum טָהָרָה a masculino טָהָר, *vir*, eodem modo in Lingva Arabica, quo טָהָר ab טְהִרָּה in Lingva Hebraica descendat, postulare videtur *emphasis nominis*, ut potius, *virissam*, quamvis barbare, interpretaremur. Si *viraginem* malles, non magnopere repugnaremus, cum radix טָהָר etiam *virum* se *prestare* & *firnum* esse significet. Quum vero hic novus sponitus potius *similitudinem*, quam *fortitudinem* novæ suæ sponsæ sine dubio spectaret, *aptius* quam Latinus adhibere maluimus vocabulum. Quod vero ad verbum טָהָר adtinet, non equidem negaverim, posse illud notionem *videndi* quodammodo tueri, quamvis non formaliter. Quum vero radix טָהָר hoc significare videtur, tum id non nisi per *Synecdochem antecedentis pro consequente* significat. Rectius enim caput exserere ad *videndum*, vel si mavis, *accedere* ad *videndum* notat. Proprie enim *præsentem* esse & *præsentem* *sistere* significat, atque id in hac constructione, ut quisque facile intelligit, idem valet, quod *similitudinem* retulit alterius, alterum *repræsentavit*, quam quidem notionem nos verbo *exhibendi* expressimus. Hanc notionem mirifice confirmat ille usus verbī, quo *testari* valet, quippe quod nihil aliud est, quam *edicere præsentemque sistere veritatem*. Significat etiam *mortem pro religione oppetere*, sed hæc notio a notionē *testandi* prono quasi alveo fluit, id quod nomina *martyr* & *martyrium* in Lingvis Europæis extra controversiam ponunt. ALTERA VERSIO ARABICA, quam Pentateuchus Mosis Arabice, Lugduni Batavorum 1622 editus, exhibet

רְקָאֵל אֲדֵם הַרְחָה
בְּאַלְמָרָה עָם מִן עַצָּמֵי וְלֹחֶם מִן לְחֶם.
Dixitque Adamus: hæc vira est os de ossibus meis & caro de carne mea. Hæc versio tribus potissimum rebus differt a priori. Primum pro טַבָּה habet טַבָּה mediis litteris utroque punctatis, deinde נָלְמָרָה נָלְמָרָה & tandem verbum שָׁאַהֲרָתָה prorsus omisit. Quod ad duas priores discrepancies attinet, nihil illæ continent præter variationem, quæ in alternatione synonymorum consistit. Quod vero verbum omisit, id indicio est, hunc interpretem pressius sequi voluisse verba Textus, quæ alter magis paraphrastice transtulit.

§. V.

*De causa, cur alter interpretum Arabum verbum
suæ translationi intruserit, paucis querit.*

Hic igitur sua sponte nascitur quæstio, utrum prior ille interpres, qui verbum שָׁאַהֲרָתָה adjecit, variantem lectionem in Textu Hebreo invenit, an vero in voce פָּאַם tantam senserit significantiam, ut eam se non putaret satis exacte exprimere posse, nisi hoc adderet verbum. Si prius supicari vellemus, jure veremur, ne prorsus precariam rationeque destitutam proponeremus conjecturam; cum omnia exemplaria constantem servent lectionem, nec ullus unquam criticus vel minimum variationis vestigium hoc loco observaverit. Nobis certe nihil de hujusmodi variante lectione innotuit, quantaunque diligenter de ea re inquisiverimus. Nihil igitur aliud restat, quam ut credamus, laudatum interpretem, aut ex voce פָּאַם, aut ex hujus constructione cum seqventibus illum hausisse sensum, quem adjecto verbo שָׁאַהֲרָתָה exprime-

re voluerit. Utrum vero horum rectius adsumi debeat, id paulo difficilius discernitur. Si ex constructione derivaveris, eodem modo in hoc verbum incidisse putandum, quo Doctores ecclesiae reformatæ verbum *existendi* in verbum *significandi* transformant, cum verba institutionis cœnæ Dominicæ explicare satagunt. Qvamvis autem hæc ratio adjecti specie non careat, nobis tamen potius spectasse videtur *emphasis* nominis **DVD**, qvam suo demum loco evolvemus, cum ad radicem ipsius excutiendam devenerimus. Nunc igitur ad ea, qvæ hnic conatui præstrui debent, properamus.

§. VI.

Nostram conjecturam de vera hujus hemistichii versione adponit, eamque ex contextu confirmare incipit.

Prius vero qvam longius progredianur, nostram conjecturam de vera versione allati hemistichii adponere volumus. Sic vero illa fert: *Hæc est ipsa conjux, os ex meis ossibus & coro de mea carne.* Svethice: Thetta är siflswa matan, ben af minom venom, och kött af mino kötte. Posset etiam sic reddi: *Hec vera est conjux &c.* Svethice: Thetta är then rätta matan &c. Quemadmodum exempla deinceps adducenda demonstrabunt. Vox **DVD** aliqvid adhuc significantius insinuat, sed desunt nobis idonea nomina, qvibas id propius & exactius exprimamus. Interea Lectores monemus, ut hoc loco nomen Latinum *conjux* & Svecanum *Mata* in omni, qvam admittunt, emphasi sumant. Qvod quo jure facturi sint, jam pedetentim ostensuri sumus. Initium igitur a contextu

tu facere placet. Comitate 18. dixerat DEUS omnisciens:
 לא טוב היות האرم בכו non bonum est homini vitam a-
 gere solitariam. Quid? Poteret is quidquam desiderare,
 qui adhuc integer, Deoque intime unitus, perfecta frue-
 batur felicitate? Immo vero poterat. Destinatus erat A-
 damus conjugio colendo, ut speciem propagare posset,
 sed adhuc idoneam desiderabat *sociam*. Hinc mox sub-
 jungit Deus optimus maximus: אַעֲשֵׂה לוּ עֹזֶר כְּנָגָרוֹ
 faciam ej adjutricem, quae apta sit ad cohabitationem ma-
 trimonialem. Quamvis vox עֹז generatim & formaliter
 adjutorium significet, saepe tamen speciatim & materialiter
 significat id genus auxillii, quod conjux conjugi præ-
 stat in propagatione generis. Sic certe usurpatur apud A-
 rabes non hoc tantum nomen, sed bina etiam synony-
 ma בְּכָחָה & עֻוּנָה. Eadem etiam adjutricem & specia-
 tim conjugem atque matrem familias significant. Vox
 vero innuit σεμιώτης conformatiōnē membrorum u-
 triusque conjugis, quam DEUS Sapientissimus huic fini ne-
 cessariam duxit. Haec omnia pluribus demonstravit Cel.
 ALB. SCHULTENS Opp. Min. pag. 118. Adamus igitur
 cum hujusmodi Adjutricem quereret instinctui parebas
 naturali. Cumque tales non invenissem in ullo anima-
 lium grege, jam vero Evam ex improviso videres, fa-
 cile quisque sentit, haec verba exclamando prolatā esse
 ab Adamo, qui tum admirationis, tum exultationis af-
 fectu vehementer exāstuaverit. Haec ideo observebam
 ut sentiant Lectores, quam parum huic adfes-
 ctui Adami conveniat frigidum illud nunc, hae vice, vel
 hoc tempore, quod veteres habent interpres.

§. VII.

Ordinem constructionis, quæ in formula אֲתָּה הַפְעֵל adest,
nostræ conjecturæ favere, variis exemplis Biblicis
ostendit.

Quemadmodum vero, uti jam vidimus, scopus &
affidns loquentis nostræ faveat sententiae, ita eam quo-
que confirmare videtur ipse ordo constructionis, quem
voces בְּנֵי הַפְעֵל servant. Quamvis omnia Scripturæ
loca, in quibus nomen בְּנֵי & pronomen תְּנִינָה conjunc-
ta sunt, studiose collegerimus, singulis tamen examina-
tis, ne unum quidem invenire potuimus, in quo בְּנֵי
bac vice tum significat, cum תְּנִינָה præcedat. Quoties
enim hæc significatio locum habet, toties non præponi-
tur sed postponitur pronomen תְּנִינָה. Evolve loca Exod.
8: 28. 9: 14. 2. Sam. 17: 7. Jer. 10: 28. ceteraque simi-
lia, & luce clariss videbis, verum esse quod observavi-
mus. Neque enim in his locis בְּנֵי sed בְּנֵם legitur. Idem ordo etiam observatur, ubi nomen
בְּנֵי cum altero pronomine חַיָּא construitur, quod, ut
alia raseam, exemplum בְּנֵם הַחֹוֹא Deut. 9: 19 osten-
dit. Non equideum me fugit duo reperiri loca, in qui-
bus scriptum est זֶה פָּעֵמִים, præposito pronomine & post-
posito nomine, sed præterquam quod alia dualium aut
pluralium, & alia singularium esse possit ratio, hoc vel
maxime adendi meretur, quod pronomen זֶה his in lo-
cis relative sumi queat. Cum igitur locus noster sit uni-
cus, in quo alius, quam in ceteris, servatur ordo construc-
tionis, magna Inde fit significatio, illum alius quoque
indolis esse, quam nunc ulterius nova quadam observati-
one in apricum collocabimus.

§. VIII.

Vim constructionis, in qua Pronomen demonstrativum praecedit, Nomen vero substantivum cum ἡ demonstrativo sequitur, variis aliis exemplis ejusdem generis exponit.

Scire enim licet, hoc ferre genium Lingvæ Hebrææ, ut, cum propositiones occurrant, in quibus post Pronomen demonstrativum sequitur Nomen substantivum ἡ emphatico insignetum, tum Pronomen subjectum una cum copula, Nomen vero solum prædicatum involvat. Immo & hoc addendum, ἤ illud, qvod nomini sic præfigitur, certis in circumstantiis, ex contexte dijudicandis, tantam importare emphasin, ut ad eam exprimendam necesse sit adjicere adjectivum vel nominale VERUM, vel pronominale IPSUM. Sic formula *וְהַשְׁעָר וְהַרְחֵב*. sic reddi omnino debet: Hæc est vera porta Iēbovæ, Svethice: Thetta är then rätte Herrans port Pl. 118: 20. Est vero ibi sermo de porta justitiae vi commissatis præcedentis. Qvod si cui minus clara & certa videatur hæc versio, aliud adjiciam exemplum, qvod adserunt nostrum extra controversiam ponere poterit. Hoc extat 2. Reg. 6: 19, ubi hæc gemina occurrit formula: *וְהַרְחֵב וְהַשְׁעָר* Hæc non est vera via & hæc non est vera urbs, Svethice: Thetta är icke then rätte wägen, och thetta är icke then rätte staden. His addantur loca Job. 27: 13. Exod. 31: 4. In quibus singulis Pronomen ἡ subjectum & copulam propositionis citra controversiam complectitur. Qvis quis vero nostram formulam *וְהַרְחֵב וְהַשְׁעָר* cum allatis conferre voluerit, is vix ovum ovo similius inveniet. Qvod si igitur tantisper supponere velimus, voce *וְהַשְׁעָר* significari conjugem, nonne totius formulæ *וְהַרְחֵב וְהַשְׁעָר* & clarissima

&c

& certissima hæc esset translatio: *Hæc est vera conjux;*
Svehice: Theta är then rätta Makan? Sed non opus
 est supponere quod evidentibus rationibus. *fons* evincere
 potest, ut mox vilori sumus.

§. IX.

*Prinigeniam & originariam verbi pom significationem
 in onomatopo si querendam esse, ostendit.*

Ut rite procedat institutum, ordine incedentium est.
 Primum igitur, quid verbum pom primitus significaverit, investigandum. Nisi igitur valde fallimur, originaria ejus significatio in sono pom, pom, vel bom, bom
 quaerenda est. Primum enim optimus quisque Philologus adgnoscit, in cunctis linguis innumera occurrere onomatopoëtica. Deinde hunc ipsum sonum pom, pom, vel bom, bom in variis linguis varia tum verba, tum nomina peperisse constat. Tandemque ita comparata est
 hæc origo significationis in hoc verbo, ut ex ea prono
 quæ alveo sruant tum omnes ceteræ notiones, quæ ra
 dici subsunt, tum tota significationum turba, quæ in
 derivativis frequentatur. Illud passim inculcant Lexica &
 Glossaria, istud docent ex Græcis nomina βόμβος, βόμ
 βαξ, βόμβυξ, βόμβης, βόμβητης, βόμβηλη, βόμβηλις &
 verba βόμβεω, βόμβαιω, βόμβολισθω; ex Latinis nomi
 na bombus, bombicus, bombulus, bombosus, bombardus,
 & verba bombio, bombino, bombito &c. ex Svecanis
 bom, bomma, pump, pumpa, & ex aliis Linguis innumeris
 quæ brevitatis causa omittimus; hoc vero evincent
 specimina, quæ heic ordine seqvuntur. Primum quidem
 cum sonus, quem bombum vocant, agitando excitatur,
 per Metonymiam causat factum, quod omnia agitatio-

nis genera verbo בָּדַע exprimantur. Hinc igitur tanquam ex fonte profluxerunt significaciones *pulsandi*, *fe-riendi*, *trudendi*, *tundendi*, *cudendi*, & id genus aliæ, quæ passim in dialectis orientalibus regnant. Ex notione trudendi nata est notio *fariendi*, & ex hac eæ, quibus plenum esse & *pulposum* esse significat. Nam *repletus* & *pulposus* quasi *farcitus* est, stoppad, proppad. Nominis vero בְּדֻעַ variae significaciones partim immediate, partim mediate a sono *bombitante* originem duxerunt. Sic בְּדַע *ictus* malleo factus in incude *bombitat* Es. 41:7. בְּדַע pes terram *pulsat* & calcitrando *bombitat*. בְּדַע de curru usurpatum quo celerius agitur, eo vehementius *bombitat*. בְּדַע vice, nihil aliud formaliter est, quam *ictus* aut *pulsus*. Nomen auctum בְּדַע, *tintinnabulum*, eodem modo a sono *pim*, *pim* dictum, quo Latinum nomen *tintinnabulum* a sonotin, *tin*, quem inter agitandum edit.

§. X.

Tandem rationem denominationis in voce בְּדַע, quatenus mulierem denotat, evolvit, finemque operæ imponit.

Nondum vero patet ratio, cur *mulier* dicta sit בְּדַע. Eam igitur nunc planius aperuisse juvabit. Radix בְּדַע apud *Arabes* significat *viro æqualis naturæ* fuit *mulier*. Hoc fundamenti loco ponendum. Cum vero hæc significatio translata sit, ratio translationis evolvenda est distinctius. A bombinando dici vix potuit. Quamvis enim Evam recens factam verba sonora edidisse concederemus, indeque dici posuisse *bombatricem*, contextus tamen aliud quid postulat, conformatiōnem nimirū corporis utriusque conjugis. Cumque hæc vox Es. 41:7. usurpetur de idolis

dolis malleo fingendis, aci nos rem tetigisse credimus, si hoc nomine allusum dicamus ad significationem *cudendi*, adeo ut Eva כְּעָד dicta sit, quod ad formam Adami *excusa*, *eformata* & *effigiata* fuit. Ne cui videamus hypothesi servuisse, cum ex verbo pulsandi aut tundendi notionem similitudinis derivavimus, observaste juvabit id non infolens esse orientalibus. Hoc docet verbum לִשְׁמָה quod primum *premere*, deinde *dominio premere*, & tandem *aliquid similitudine exprimere* significat. Hinc לִשְׁמָה similitudinem & comparationem denotat. Hanc cum exprimere volunt Arabes uti solent verbo צַרְבֵּנָה, quod percutiendi vim habet, unde formula צַרְבֵּנָה Disaraba Matsalen, percussit similitudinem, tanquam *istu eam expressit*, ut in mineta sit, quam *cudere etiam* hoc verbum Arabibus significat. Pari modo ex טְבֻעָה ensem, signavit pecuniam, ob-signavit epistolam, fie טְבֻעָה exemplar. Atque ita quid de *gemina versione Arabicā*, quam supra adduximus, tenendum sit, constare arbitramur. Utrum vero ultra modum *conjecturæ* progredi potuerimus, id Lectoribus *judicandum* relinquimus, satis nos felices putantes, si non plane ineptam operam collocasse videamus.

S. D. G.

